



Pou Piblikasyon Imedya: 16/06/2023

GOUVÈNÈ KATHY HOCHUL

**GOUVÈNÈ HOCHUL ANONSE LANSMAN PWOJÈ EKSPANSYON AK  
MODÈNIZASYON DEPATMAN IJANS SANT MEDIKAL LOPITAL JAMAICA 150  
MILYON DOLA A**

***Pwojè a ap kreye yon nouvo Sant Twomatoloji nivo 1, De nouvo inite swen kritik  
avèk 22 kabann ICU***

***Yo bay finansman an atravè Pwogram IV pou Transfòmasyon Etablisman Swen  
Sante Nan Tout Eta a***

Gouvènè Kathy Hochul te anonse jodi a, lansman pwojè ekspansyon ak modènizasyon Depatman Ijans Lopital Jamaica 150 milyon dola a. Pwojè a ap kreye yon nouvo depatman ijans modèn, kreye Sant Twomatoloji nivo 1 sèlman nan zòn nan, epi ajoute de nouvo inite swen kritik ki gen 22 kabann ICU. Yo te bay finansman an atravè Pwogram IV pou Transfòmasyon Etablisman Swen Sante nan Tout Eta a ke Gouvènè Hochul te fè anons lan nan seremoni inogirasyon an maten an ansanm ak lidè Lopital Jamaica a, ofisyèl eli yo ak lidè kominotè lokal yo.

"Pandan twò lontan, yo gen tandans pou neglige kominote ki defavorize tankou sa Lopital Jamaica desèvi yo, epi Eta a pa t bay resous ak soutyen yo bezwen an," **Gouvènè Hochul te deklare.** "Antanke Gouvènè, administrasyon mwen an angaje pou korije sa ki te mal nan tan pase, prioyize ekite sante epi travay pou ranfòse sistèm swen sante atravè eta a. Gras ak envestisman 150 milyon dola Eta a, nouvo etablisman modèn lan ap ede amelyore swen ijans yo konsiderableman nan kominote a epi l ap bay rezidan Jamaica yo swen wo gam ke yo merite a."

Depatman Ijans orijinal Lopital Jamaica te fèt pou jere 60,000 pasyan chak ane, men aktyèlman l ap sèvi apeprè 120,000 pa ane, san nou pa konsidere vizit ki te ogmante yo ke li te konnen nan moman pik pandemi COVID-19 la. Apre prèske yon deseni planifikasyon, pwojè ekspansyon ak modènizasyon an te rive avanse apre yo te bay Lopital Jamaica 150 milyon dola atravè Pwojè IV nan Tout Eta a. Pwojè a ap konstui yon nouvo etablisman 48,534 pye kare sou yon pwopriyete a kote ke yo itilize kounye a kòm yon paking pou doktè yo.

Pami 13 Sant Twomatoloji Nivo 1 nan Vil New York, pwojè sa a ap pèmèt Lopital Jamaica konstwi yon sèvis ijans ki elaji epi modènize pou byen satisfè bezwen kominote a.

**Komisè Sante Eta New York Ia, Doktè James McDonald, te deklare**, "Mwen vle remèsy Gouvènè Hochul pou soutyen li a pwojè ekspansyon Depatman Ijans Lopital Jamaica a ak angajman solid li pou kominote ki defavorize yo. Pwojè a se yon egzanp ekselan sou fason yo alwe resous ki dèyè misyon nou nan Depatman Sante Eta a, ki enkli pou elimine eka sante yo, amelyore swen ijans epi ogmante aksè jeneral nan swen sante dekalite."

**Reprezantan Gregory Meeks, te deklare**, "Sa se yon gwo viktwa pou prestatè swen sante yo epi espesyalman pou rezidan Jamaica yo. Doktè, enfimyè ak lòt sekouris yo ap gen aksè nan ekipman ak teknoloji ki sove lavi po livre sèvis swen sante ki vital pou kèk nan popilasyon ki pi vilnerab nou yo. Depatman ijans dènye kri sa se yon bagay ki ajoute ki byen akeyi nan kominote nou an, epi mwen felisite Administrasyon Hochul la dèské li sekirize finansman ki fè li vin yon reyalite a."

**Senatè Eta Joseph P. Addabbo Jr. te deklare**, "Jodi a, se te yon jounen istorik pou Lopital Jamaica pandan y ap fè premye kout pèl pu yon nouvo sal ijans modèn. Kounye a, enstitisyon sa ka bay swen sante ak sèvis pi bon kalite toujou pou kominote a. Mwen te toujou apresye bon travay Lopital Jamaica ak staf li a ap fè, epi mwen fyè pou m kapab patisipe nan seremoni an epi selebre avèk yo. Mwen te temwen de fèmti lopital yo ak kijan etablisman sante yo regrese, men pa Lopital Jamaica. Li te toujou jwenn mwayen pou pwogrese epi devlope nan yon efò pou ede sila yo ki nan bezwen. Mwen vle remèsy Gouvènè Kathy Hochul dèské li atribye fon pou rann avansman sa posib ak kamarad reprezantan lokal mwen yo nan gouvènman an pou soutyen kolektif yo."

**Manm Asanble David Weprin te deklare**, "Antanke Prezidan Komite sou Asirans Asanble a, mwen te defann pou ogmante finansman pou sekirite rezo lopital tankou Sant Medikal Lopital Jamaica a. Envestisman 150 milyon dola sa ap fè anpil pou bagay pou sèvi kominote Queens lan. Pandemi COVID19 la te demonstre nan ki pwen ewo swen sante nou yo te esansyèl, epi yo ta dwe ap travay nan yon etablisman modèn. Ekspansyon ak renovasyon depatman Ijans ak Twomatoloji yo ap amelyore ekite swen sante nan distri mwen an. Mwen rekonesan a Gouvènè Hochul pou lidèchip li ak direksyon pou pote avansman ki nesesè pou amelyore lavi ak rezulta swen sante pou anpil rezidan nan Queens."

**Manm Konsèy, Lynn Schulman, te deklare**, "COVID-19 te pi gwo kriz swen sante nan dire lavi, epi Queens te episant virus la akoz mank kapasite lopital. Antanke yon defansè pou kapasite lopital la depi lontan, sibvansyon 150 milyon dola jodi a ki soti nan Eta a pou konstui yon nouvo Depatman Ijans nan Lopital Jamaica te dwe fèt depi lontan epi nou apresye I anpil, Lynn Schulman, Manm Konsèy ak Prezidan Komite Sante Konsèy Vil NY la te deklare. Mèsi Gouvènè Hochul pou lidèchip ou pou asire ke Nouyokè yo gen aksè nan swen medikal ijans ke yo bezwen chak jou".

**Manm Konsèy Joann Ariola te deklare**, "Lopital Jamaica se yon sant twomatoloji dekalite, epi se sèl sant twomatoloji nan zòn Sidès Queens toupre ayopò JFK a. Depatman ijans yo a te vin itilize deplizanpli nan fason ki depase - yon pwoblèm ke kantite lopital ki fèmen nan zòn nan te vin rann pi mal nan ane resan yo. Ekspansyon ak modènizasyon ke pwojè sa ap bay yo nesesè dezespereman epi y ap fè anpil pou amelyore kalite swen ke rezidan Queens yo resevwa. Antanke yon moun ki te travay toupre Lopital Jamaica a nan tan pase, Mwen te wè ak de je m kijan pèsonèl la travay di, epi ak nouvo enstalasyon sa yo ki disponib pou yo, mwen konfyant ke n ap wè plis bagay ki soti nan men pwofesyonèl devwa sa yo - bon bagay k ap mennen nan yon avni ki pi briyan pou tout moun nan minisipalite a ak pi lwen."

**Prezidan Minisipalite Queens Ian, Donovan Richards te deklare**, "Envestisman istorik 150 milyon dola sa pa plis ke monimantal pou Sidès Queens lan ak Minisipalite Mond lan nan ansanm li. Finansman sa p ap sèlman konstui yon nouvo depatman ijans modèn nan Lopital Jamaica, k ap sèvi fanmi ki konte sou sant medikal la pou swen kritik yo pi byen, men I ap sove lavi, ede chanje deseni eka yo epi di rezidan Sidès Queens yo ke yo enpòtan," Prezidan Minisipalite Queens Ian, Donovan Richards Jr te deklare. "Nou pa t ka pi rekonesan a Gouvènè Hochul pou angajman li anvè Lopital Jamaica, ewo swen sante li yo k ap sèvi nan fason dezenterese, ak fanmi Sidès Queens yo. Nou toupre yon etap solid pou rive nan vrè ekite nan sistèm sante nou an."

**Prezidan ak Direktè Egzekitif Lopital Jamaica a, Bruce J. Flanz te deklare**, "Nou remèsyé Gouvènè Hochul dèské li sipòte epi envesti nan Lopital New York yo. Angajman li pou konstui yon sistèm swen sante ki solid epi ekitab ap san dout ede òganizasyon nou an ak lòt yo pou bay swen pi bon kalite pou kominate n ap sèvi yo."

Objektif Pwogram Transfòmasyon Etablisman Swen Sante a se pou yo sipòte efòNan tout Eta a pou redwi depans swen sante epi amelyore rezulta swen sante Nouyòkè yo gras a elajisman aksè a sèvis swen pou pasyan ki entène yo, swen primè, swen prevansyon ak lòt swen pou pasyan ekstèn yo nan kad sistèm swen sante entegre onivo rejyonal yo. Sibvansyon sa yo konsantre tou sou pwojè ki pral ede asire dirabilite finansyè pwofesyonèl swen sante ki sèvi tout kalite moun yo, ak prezèvasyon oswa agrandisman sèvis swen sante esansyèl yo. Nivo IV nan Tout Eta a te tabli nan Bidjè Ane Fiskal 2023 a epi li te otorize jiska 200 milyon dola pou modènizasyon depatman ijans ki enpòtan sou plan rejyonal yo.

Strong Memorial Hospital, lopital ki sèvi tout kalite moun pou rezidan Finger Lakes ki pi vilnerab yo, te resevwa 50 milyon dola nan Faz IV nan Tout Eta a. Etablisman 55,000 pye kare a resevwa plis pase 100,000 vizitè nan sèvis ijans lan chak ane. Pwojè agrandisman an pral triple gwosè sèvis ijans lan, kidonk, pral amelyore ekite nan rejyon Finger Lakes. Agrandisman an pral ede redui sitiayasyon foul moun yo epi redui tan datant yo pou admisyon nan lopital la.

Pou resevwa finansman, lopital yo dwe demonstre kijan pwojè yo pwopoze a ap ranfòse epi pwoteje aksè kontini nan sèvis swen sante nan kominate yo.

Sèlman Sant Twomatis Nivo 1 yo k ap sèvi yon gwo pou santaj pasyan Medicaid ki te kalifye pou yo aplike. Sant Twomatoloji Nivo 1 yo bay pi wo nivo swen pou twomatis pou pasyan ki malad grav oswa blese yo.

Depatman Sante a ap bay yon lòt 950 milyon dola atravè faz adisyonèl nan faz IV nan Tout Eta a. Bidjè ane fiskal 2024 la genyen ladan I 1 milya dola finansman adisyonèl pou etabli faz V nan Tout Eta a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)